

Ժողովուրդ

48
(3257)

18 ապրիլի շաբաթ 2026
տպագրության ԺԵ տարի

✉ ք. Երևան, Արմավյան 22ա/3 (0010)

☎ +374 10 546423

@ info.armlur@gmail.com, info.zhoghovurd@gmail.com

100 դրամ

Ո՞Վ Է ԱԺ ՊԱՏԳԱՄԱՎՈՐԻ ԹԵԿՆԱԾՈՒՆ



«Ժողովուրդ» օրաթերթը իրականացրել է ուսումնասիրություն՝ «Քաղաքացիական պայմանագիր» կուսակցության ընտրական ցուցակի 35-րդ համարում ընդգրկված, «Ուրախ ավտոբուսի» ներկայացուցիչ Արաքսյա Վարդանյանի վերաբերյալ: Պարզվեց, որ Արաքսյա Վարդանյանը հանդես է գալիս որպես Փարաքար համայնքի ավագանու անդամ եւ ԶՊ կուսակցության ակտիվ ներկայացուցիչ: Հատկանշական է, որ երկարատեւ որոնումների արդյունքում նրա մասնագիտական կենսագրության վերաբերյալ բաց աղբյուրներում գրեթե տվյալներ չկան:

«Ժողովուրդ» օրաթերթի ուսումնասիրությամբ՝ միայն պաշտոնական հայտարարագրերն են հնարավորություն տալիս պատկերացում կազմել նրա աշխատանքային գործունեության եւ եկամուտների մասին: Հայտարարագրերում նշված են նրա աշխատատեղերը՝

- «Ձորակ» շուրջօրյա մասնագիտացված խնամքի կենտրոն
 - «Ավելիաց» կազմակերպություն
- Ըստ 2024 թվականի տարեկան հայտարարագրի՝ Արաքսյա Վարդանյանի գույքն ու եկամուտները.
- Անշարժ գույք՝ բնակելի տուն Փարաքարում (համատեղ սեփականություն, 2013թ.),
 - Հողամաս Փարաքարում (2019թ.),
 - 2024-ին ձեռք բերված անավարտ շինություն Երևանում՝ 27,060,000 դրամ,
 - Տրանսպորտային միջոց՝ HONDA (2018, ձեռքբերում՝ 01/07/2023),
 - Թանկարժեք զարդ՝ 15,000,000 դրամ արժեքով,
 - Բանկային հաշիվների մնացորդ՝ 2,645,320 դրամ,
 - Կանխիկ միջոցներ՝ 1,000,000 դրամ,
 - Վարկային պարտավորություն՝ 23,000,000 դրամ (բնակարան):

Մանրամասները՝ ArmLur.am կայքում

«Ժողովուրդ» օրաթերթի կողմից ուսումնասիրված պաշտոնական փաստաթուղթը նոր հարցեր է առաջացնում առողջապահական ոլորտում ֆինանսական թափանցիկության վերաբերյալ: Խոսքը վերաբերում է ՀՀ առողջապահության նախարարության եւ «Ստեփանավանի բժշկական կենտրոն» ՓԲԸ-ի միջեւ կնքված դրամաշնորհի հատկացման պայմանագրին, որի շրջանակում կենտրոնին տրամադրվել է մինչեւ 25 միլիոն դրամ պետական աջակցություն: Փաստաթղթից պարզ է դառնում, որ գումարը հատկացվել է ՀՀ պետական բյուջեից: Պայմանագրով հստակ նշվում է, որ իրականացվելիք միջոցառումները պետք է ներկայացված լինեն հավելվածներում, մասնավորապես՝ «Ծրագրի միջոցառման» եւ «աշխատանքային պլանի կատարողական հաշվետվության» տեսքով: Սակայն փաստաթղթին կից չեն ներկայացվել ո՛չ միջոցառումների մանրամասները, ո՛չ էլ հաշվետվական որեւէ տվյալ: Այսինքն՝ հանրությունը զրկված է տեղեկանալու հնարավորությունից, թե կոնկրետ ինչ նպատակներով է ծախսվելու այդ 25 միլիոն դրամը եւ ինչ արդյունքներ են ակնկալվում:




Շարունակությունը՝ ArmLur.am կայքում

Պաշտոնական աղբյուրներից «Ժողովուրդ» օրաթերթը տեղեկացավ, որ «Միացյալ քրիստոնյա Հայաստան» կուսակցությունը չի ներկայացրել 2025 թվականի իր ֆինանսական հաշվետվությունը Կոռուպցիայի կանխարգելման հանձնաժողով, ինչը համարվում է վարչական իրավախախտում եւ ենթակա է պատասխանատվության: Հանձնաժողովի ուսումնասիրությամբ արձանագրվել է խախտումը, սակայն այն որակվել է որպես նվազ նշանակության: Արդյունքում, խիստ պատժամիջոցների փոխարեն կիրառվել է առավել մեղմ մոտեցում. կուսակցության խորհրդի նախագահ Տիգրան Միշայի Հովհաննիսյանի նկատմամբ հայտարարվել է բանավոր նկատողություն: Այս որոշումը հարցեր է առաջացնում քաղաքական դաշտում հաշվետվողականության եւ պատասխանատվության կիրառման համաչափության վերաբերյալ: Ֆինանսական հաշվետվությունների ներկայացումը քաղաքական ուժերի գործունեության թափանցիկության հիմնական գործիքներից է, եւ դրա չկատարումը, նույնիսկ եթե գնահատվում է որպես «նվազ նշանակության», կարող է ստեղծել վտանգավոր նախադեպ:



Շարունակությունը՝ ArmLur.am կայքում

Թեւ ԶՊ իշխանությունը օրոգիչեր պայքար է մղում Ռուսաստանի Դաշնության դեմ մեղադրելով Կրեմլին հիբրիդային հարձակումների մեջ, ամեն դեպքում, ՀՀ-ն շարունակում է սերտ հարաբերությունները ՌԴ-ի հետ պահպանել: «Ժողովուրդ» օրաթերթը շարունակում է ուսումնասիրել ՀՀ Կառավարության ծրագրի (2021-26) 2025թ. կատարման ընթացքի եւ արդյունքների մասին զեկույցը, եւ պարզվեց, որ ԱՄՆ-ի հետ ունենք հարաբերությունների որակական բարձրացում, ՌԴ-ի հետ՝ ծավալ ու ինտենսիվ կապեր: 2025 թվականի պաշտոնական զեկույցի տվյալները ցույց են տալիս երկակի պատկեր. Հայաստանի հարաբերությունները ԱՄՆ-ի հետ ակնհայտորեն ստացել են նոր քաղաքական որակ, մինչդեռ Ռուսաստանի հետ կապերը, նույնիսկ անկման պայմաններում, շարունակում են մնալ անհամեմատ ավելի խորը՝ թե՛ շփումների ինտենսիվությամբ, թե՛ տնտեսական ծավալով: Այսինքն՝ եթե խոսքը քաղաքական վերաձեւակերպման մասին է, առաջընթացը ամերիկյան ուղղությամբ է, իսկ եթե չափանիշը գործնական կապերի ծավալն է, ռուսական ուղղությունը դեռ գերակշռում է:



ՀԱՐՑԱԳՐՈՒՅՑ

«ՓՈՐՁԱԳԵՏՆԵՐԻՆ ԱՎԵԼԻ ՄԵԾ ՃԿՈՒՆՈՒԹՅՈՒՆ ՈՒՆԵՆ»

ArmLur.am-ը գրուցել է «Հայկական խորհուրդ» վերնուձևական կենտրոնի աստղագծված փորձագետ Նարեկ Մինասյանի հետ:

- Պարոն Մինասյան, ապրիլի 10-12-ը գտնվում էիք Ադրբեջանում: Ի՞նչ զգացողություններով վերադարձաք այդ այցից:

- Այցը բավական հետաքրքիր եւ միաժամանակ կարելու փորձ էր: Տարիներ շարունակ այս խնդիրներով զբաղվող մասնագետների համար հնարավորություն ստեղծվեց ներսից տեսնելու Ադրբեջանը՝ նրանց ենթակառուցվածքները, աշխատանքային միջավայրը, ինչպես նաեւ անմիջական շփումներ ունենալ ադրբեջանցի գործընկերների հետ: Անկեղծ ասած, զգացողությունները խառն էին՝ մի կողմից՝ լարվածություն եւ զգուշություն, մյուս կողմից՝ հետաքրքրություն եւ որոշակի հույս, որ նման շփումները կարող են նպաստել փոխըմբռնման ձեւավորմանը:

- Ի՞նչ հիմնական հարցեր են քննարկվել հանդիպումների ընթացքում:

- Քննարկումները բավական լայն շրջանակ են ընդգրկել: Անդրադարձել ենք խաղաղության գործընթացին՝ հասկանալու համար, թե որտեղ ենք հիմա, ինչ հնարավորություններ եւ մարտահրավերներ կան: Քննարկվել են նաեւ տարածաշրջանային զարգացումները՝ հատկապես Ուկրաինական պատերազմի եւ Իրանի շուրջ տեղի ունեցող գործընթացների ազդեցությունը մեր տարածաշրջանի վրա: Այս ամենը դիտարկվել է նաեւ այն տեսանկյունից, թե ինչ նոր ռիսկեր եւ հնարավորություններ կարող են առաջանալ Հարավային Կովկասի համար:

- Արդյո՞ք քննարկումների ընթացքում նկատելի էր ընդհանուր մոտեցումների առկայություն:

- Հետաքրքիր էր այն հանգամանքը, որ ադրբեջանական կողմում եւս հնչում էր միտք, թե Հայաստանը եւ Ադրբեջանը որոշ առումներով գտնվում են «նույն նավակում»՝ անվտանգության մարտահրավերների տեսանկյունից: Ընդգծվում էր, որ հարաբերական կայունությունը, որքան էլ փխրուն լինի, որոշակի իմունիտետ է ստեղծում եւ նվազեցնում է լայնամասշտաբ էսկալացիայի ռիսկը: Սա նաեւ կարելու է՝ թույլ չտալու համար, որ երրորդ երկրները միջամտեն եւ ապակայունացնեն իրավիճակը:

- Ձեր կարծիքով՝ որքանով է իրատեսական մոտ ապագայում խաղաղության հաստատումը:

- Պետք է իրատես լինել լիարժեք եւ անշրջելի խաղաղություն դեռնես չկա, եւ դրա հասնելը ժամանակատար գործընթաց է: Սակայն «նեղ խաղաղության» հասնելը՝ այսինքն՝ դիվանագիտական հարաբերությունների հաստատում, որոշակի տնտեսական եւ առեւտրային համագործակցություն, լիովին հնարավոր է: Սա չի նշանակում, որ կողմերը միանգամից



դառնում են բարեկամներ. հաշվի առնելով պատմական ծանր ժառանգությունը՝ այդ փուլը շատ ավելի երկար ճանապարհ է պահանջելու:

- Բայց երբ կողմերի դիրքորոշումները հաճախ չեն համընկնում, ինչպե՞ս կարելի է առաջ շարժվել:

- Իրականում մենք այդ հարցերը նույնպես բարձրաձայնել ենք: Կա ընկալում, որ պետք է կենտրոնանալ դրական օրակարգի վրա եւ գտնել այն ոլորտները, որտեղ հնարավոր է համագործակցություն: Միեւնույն ժամանակ բոլորը գիտակցում են, որ եթե ոչինչ չարվի, խնդիրները ոչ միայն չեն լուծվի, այլ նաեւ կարող են խորանալ:

- Քննարկումների արդյունքները ներկայացվելու են իշխանություններին:

- Այո, անպայման: Այս ձեւաչափը՝ «Track 1.5»-ը, հնարավորություն է տալիս գեներացնել նոր գաղափարներ եւ փոխանցել դրանք որոշում կայացնողներին: Մենք պատրաստում ենք առաջարկություններ, որոնք կարող են օգտագործվել բանակցային գործընթացում: Կարելու է նաեւ նշել, որ փորձագետներն ավելի մեծ ճկունություն ունեն, քան պաշտոնյաները, եւ դա թույլ է տալիս ավելի ազատ ու ստեղծարար մոտեցումներ առաջարկել:

- Սահման անցման գործընթացը նույնպես քննարկվել է:

- Այո, եւ դա շատ կարելու բաղադրիչ էր: Սահմանազատված հատվածով փոխադարձ այցելությունները հստակ ուղերձ են, որ երկու երկրներն ընդունում են միմյանց սահմանների գոյությունը: Օրինակ՝ ադրբեջանական պատվիրակությունը Հայաստան գալու ժամանակ անցել է բոլոր սահմանային ընթացակարգերը՝ ինչ-

պես նախատեսված է Հայաստանի օրենսդրությամբ: Սա խորհրդանշական, բայց կարելու քայլ է վստահության ձեւավորման տեսանկյունից:

- Արդյո՞ք նման հանդիպումները շարունակական կլինեն:

- Այո, նախատեսվում է շարունակականություն ապահովել: Միեւնույն ժամանակ քննարկվում է ձեւաչափի զարգացումը՝ ավելի նեղ մասնագիտական հանդիպումների միջոցով: Օրինակ՝ առանձին քննարկումներ տրանսպորտի, շրջակա միջավայրի կամ բիզնեսի ոլորտների մասնագետների միջեւ:

- Տնտեսական համագործակցության ուղղությամբ ի՞նչ հեռանկարներ կան:

- Հետաքրքիր էր, որ ադրբեջանական կողմից հնչում էր նաեւ հայկական ապրանքների ներմուծման հետաքրքրվածություն: Սա կարող է նշանակել, որ կա որոշակի քաղաքական կամ տնտեսական կապերի զարգացման համար: Իհարկե, թե կոնկրետ ինչ ապրանքների մասին է խոսքը, դեռ պետք է հստակեցվի մասնագիտական մակարդակում, բայց ընդհանուր առմամբ երկկողմ առեւտրի հնարավորությունը բավական իրատեսական է:

- Վերջում ինչպե՞ս կգնահատեք այս գործընթացի ընդհանուր հեռանկարը:

- Երաշխիքներ, ցավոք, չկան: Բայց մի բան պարզ է՝ եթե որեւէ քայլ չարվի, իրավիճակը չի բարելավվի: Իսկ նման հանդիպումները, թեկուզ փոքր քայլերով, հնարավորություն են ստեղծում առաջ շարժվելու եւ նվազագույնը՝ կայունությունը պահպանելու ուղղությամբ:

Հրուցեց՝ ՆԱՆԻԿ ԿՂԱՍՅԱՆԸ



ՔՆՆԱՐԿԵԼ ԵՆ

Միջխորհրդարանական միության (IPU) 152-րդ վեհաժողովի լիագումար նիստի աշխատանքներին մասնակցելու նպատակով աշխատանքային այցով Ատամբուլում գտնվող ՀՀ ԱԺ նախագահ Ալեն Միմոնյանը հանդիպում է ունեցել Կրաստանի խորհրդարանի նախագահ Շալվա Պապուաշվիլիի հետ: Զրուցակիցները քննարկել են միջխորհրդարանական համագործակցությանը վերաբերող հարցերի լայն շրջանակ: Անդրադարձ է կատարվել ինչպես տարածաշրջանային զարգացումներին վերաբերող հարցերին, այնպես էլ երկկողմ հետաքրքրության այլ թեմաներին:

ԲԱՐԵՓՈԽՈՒՄՆԵՐԻ ԱՆՎԱՆ ՏԱԿ

ԱԺ «Պատիվ ունեն» դաշինքի պատգամավոր, Արցախի Հանրապետության նախագահի նախկին խորհրդական Տիգրան Աբրահամյանի ֆեյսբուքյան գրառումը. «2023 թվականին Արցախի դեմ իրականացված ադրբեջանական հարձակման ժամանակ դիտորդի դեր ստանձնած եւ Արցախն Ադրբեջան հռչակած իշխանությունը խոսում է Արցախի ներքին պրոցեսների կամ կռվել-չկռվելու մասին: Ավելին, այսօր ԱԺ փոխխոսնակն ավելի առաջ գնաց, ասում է՝ մեր հաստատած խաղաղությունից հետո սահմանին մարդիկ չեն սպանվում, իսկ նախկինում ամեն տարի, տասնյակներով սպանվում էին: Իրենց պաշտոնավարման 8 տարիների ընթացքում Հայաստանի ու Արցախի դեմ 6-7 պատերազմ, ագրեսիա է արձանագրվել՝ իրենց իսկ արկածախնդիր քաղաքական կուրսի պատճառով, որի հետեւանքը մեր հայրենիքի տարբեր հատվածների օկուպացիան է եւ հազարավոր մարդկանց նահատակությունը: Իսկ այս անձինք դեռ խոսում են նախորդ տարիների կորուստների կամ դրա թվի մասին: Մի բան էլ. այս պահին սահմանին դեպքեր չեն արձանագրվում, որովհետեւ ամբողջությամբ ընդունել ենք ադրբեջանական օրակարգը եւ շարժվում ենք դրանց իրացման ճանապարհով, իսկ հիմա էլ մեծ թվով մարդիկ բանակում մահանում են խաղաղ պայմաններում, որովհետեւ բանակի բարեփոխումների անվան տակ գնացել են դրա բարոյալքման եւ կազմաքանդման ճանապարհով»:

ՉԻՆԱՍՏԱՆԸ՝ ԱՌԱՋԱՏԱՐ

Չինաստանում ատոմակայանների (ԱԷԿ) ընդհանուր տեղադրված հզորությունը հասել է 125 միլիոն կՎտ-ի, ինչը երկիրը դարձրել է աշխարհի ամենամեծ ատոմակայան ունեցողը (ԱԷԿ): Այս մասին նշված է Չինաստանի ատոմային էներգիայի ասոցիացիայի կողմից հրատարակված «Չինաստանի ատոմային էներգիայի զարգացման զեկույց 2026» (Կապույտ գիրք) զեկույցում: Փաստաթղթի համաձայն՝ Չինաստանում առեւտրային շահագործման մեջ է 60 ԱԷԿ բլոկ: Կառուցման փուլում է եւս 36 բլոկ, որը կազմում է կառուցվող միջուկային ռեակտորների համաշխարհային ընդհանուր թվի կեսից ավելին: Ավելին, 16 բլոկ ստացել է կառավարության հաստատումը եւ սպասում է կառուցմանը: Ջեկույցում նշվում է, որ Չինաստանն արդեն սկսել է երկու նոր ԱԷԿ բլոկների շինարարությունը 2026 թ. եւ նախատեսում է մինչեւ տարեկան շահագործման հանձնել յոթ բլոկ:

ԿԱՅԱՑԵԼ Է ՀԱՆՐԻՊՈՒՄԸ

Միջխորհրդարանական միության 152-րդ վեհաժողովի շրջանակում ապրիլի 17-ին Ատամբուլում կայացել է Հայաստանի եւ Ադրբեջանի խորհրդարանների նախագահների երկկողմ հանդիպումը:

Հանդիպման ընթացքում գոհունակությամբ արձանագրվել են երկու երկրների միջեւ հարաբերությունների կարգավորման շրջանակներում վերջին գործընթացները՝ ներառյալ խաղաղության եւ կայունության ամրապնդման ուղղված քայլերը, ինչպես նաեւ առեւտրային կապերի հաստատումն ու ընդլայնումը:

Ընդգծվել է Միջխորհրդարանական միության դերը՝ որպես միջխորհրդարանական համագործակցության կարելու հարթակ: Այս համատեքստում կողմերը բարձր են գնահատել ու երախտագիտություն հայտնել Միջխորհրդարանական միության գլխավոր քարտուղար Մարտին Չունգոնգին՝ Հայաստանի եւ Ադրբեջանի խորհրդարանների նախագահների միջեւ երկխոսության ձեւավորման ուղղությամբ նրա անձնական ջանքերի համար: Խորհրդարանների նախագահները դրական են գնահատել միջազ-

գային կազմակերպությունների շրջանակներում խորհրդարանական պատվիրակությունների միջեւ շփումները, որոնք սկսվել են 2025 թվականի հոկտեմբերին ժնեում կայացած նրանց հանդիպումից հետո, եւ պայմանավորվել են շարունակել այդ շփումները:

Հայաստանի եւ Ադրբեջանի խորհրդարանների նախագահներն ընդգծել են կառուցողական խորհրդարանական երկխոսության շարունակման կարեւորությունը՝ երկու հասարակությունների միջեւ վստահության հետագա ամրապնդման համար:

ԻՐԱՎԻՃԱԿ

ԻՆՉ Է ԱՌԱՋԱՐԿՎՈՒՄ

ՆՈՐ ՕՐԵՆՍԳԻՐԱԿԱՆ ՆԱԽԱԳԻԾ

ՈՂՋՈՒՆԵՆ Է

Իրանը ողջունել է Լիբանանում հրադադարի հայտարարությունը՝ ընդգծելով անհրաժեշտությունը խորայնական ուժերի լիակատար դուրսբերման՝ հարավային Լիբանանի օկուպացված տարածքներից, բոլոր բանտարկյալների ազատ արձակման եւ տեղահանված բնակիչների վերադարձի իրենց տները: Այս մասին հայտարարել է Իրանի արտաքին գործերի նախարարության խոսնակ Էսմայիլ Բադային՝ Նշելով, որ ռազմական գործողությունների դադարեցումը մաս է կազմում Իրանի եւ ԱՄՆ-ի միջեւ ձեռք բերված հրադադարի համաձայնության, որը միջևորդվել է Պակիստանի կողմից: Նրա խոսքով՝ Իրանը բանակցությունների սկզբից, այդ թվում՝ Իսլամաբադում անցկացված քննարկումների ընթացքում, ընդգծել է տարածաշրջանային համապարփակ հրադադարի անհրաժեշտությունը՝ ներառյալ Լիբանանը, եւ շարունակել է այդ ուղղությամբ աշխատանքները նաեւ հետագա փուլերում: Իրանի ԱԳՆ խոսնակը նաեւ բարձր է գնահատել Լիբանանի «դիմադրության ուժերի» պայքարը՝ Իսրայելի գործողությունների դեմ, եւ շնորհակալություն է հայտնել Պակիստանի միջնորդական ջանքերի համար, որոնք, ըստ նրա, նպաստել են 10-օրյա հրադադարի հաստատմանը: Բադային իր ցավակցությունն է հայտնել Լիբանանի դիմադրության զոհերի ընտանիքներին եւ համերաշխություն է հայտնել Լիբանանի ժողովրդին ու կառավարությանը: Նա նաեւ շեշտել է օկուպացված տարածքներից Իսրայելի լիակատար դուրսբերման, բոլոր բանտարկյալների ազատման, տեղահանվածների վերադարձի եւ Լիբանանի ավերված ենթակառուցվածքների վերականգնման անհրաժեշտությունը՝ իհարկե միջազգային հանրության աջակցությամբ:

Ա. Վ.

ՉԻ ՕԳՆԻ

ԱՄՆ վարչապետ Դոնալդ Թրամփը հայտարարել է, որ ԱՄՆ-ը անհրաժեշտության դեպքում չի օգնության հասնի Իտալիային: Նա այս մասին հայտարարություն է հրապարակել ապրիլի 16-ին Truth Social-ում: «Իտալիան մեզ օգնության չի հասել, եւ մենք նրանց օգնության չենք հասնի», - գրել է ամերիկացի առաջնորդը: Նա հայտարարությանը կից ներկայացրել է The Guardian-ում մարտի 31-ի հոդվածի հոդումը, որտեղ հաղորդվում էր, որ Իտալիան ԱՄՆ-ին մերժել է մուտք գործել Սիցիլիայի Սիգոնելլա ռազմաբազա: Ինչպես ավելի վաղ հաղորդել էր իտալական Corriere della Sera թերթը, մերժումը տեղի է ունեցել մարտի 27-ին: Այն պնդում էր, որ Իտալիայի ռազմական ղեկավարության հետ խորհրդակցություններ չեն անցկացվել, եւ պլանը, որը նախատեսում էր ռմբակոծիչների վայրէջք Սիգոնելլա բազայում՝ նախքան Մերձավոր Արեւելք շարունակելը, ուղարկվել է իտալական իշխանություններին այն բանից հետո, երբ ամերիկյան ինքնաթիռներն արդեն թռիչք էին իրականացրել: Ինչպես ավելի ուշ Նշել էր Իտալիայի վարչապետ Ջորջիա Մելոնի, Յոնի եւ Վաշինգտոնի միջեւ որեւէ լարվածություն չկա Սիցիլիա կղզում գտնվող բազա մուտք գործելու մերժման վերաբերյալ լրատվամիջոցների հաղորդագրությունների հետ կապված, որոնք թույլ չեն տվել ամերիկյան ռմբակոծիչներին մուտք գործել Մերձավոր Արեւելքի մարտական գոտի:

ArmLur.am-ի ուսումնասիրությամբ՝ e-draft հարթակում հանրային քննարկման է դրվել ՀՀ կառավարության որոշման նախագիծ, որով նախատեսվում է հաստատել «Գործազուրկ անձանց թվային գրագիտության զարգացման ծրագիրը»:

Նախագծի հանրային քննարկումը տեւելու է 2026 թվականի ապրիլի 16-ից մինչեւ մայիսի 4-ը:

Ծրագրի նպատակն է գործազուրկ քաղաքացիների համար ապահովել թվային գրագիտության նվազագույն մակարդակ՝ բարձրացնելով նրանց մրցունակությունը աշխատաշուկայում եւ զարգացնելով համակարգչային ու հաղորդակցական հմտությունները՝ ՏՀՏ գործիքների կիրառմամբ:

Նախատեսվում է 24 ակադեմիական ժամ տեւողությամբ դասընթաց՝ 6 շաբաթ տեւողությամբ, շաբաթական 2 օր, օրական 2 ժամ ձեռագրով՝ հիբրիդ (առկա եւ առցանց) ուսուցմամբ: Դասընթացները ներառում են համակարգչային տարրական հմտություններ, էլեկտրոնային փոստի կիրառում, CV կազմել, աշխատանքի որոնման առցանց հարթակների օգտագործում, ինչպես նաեւ կիրառական գրության եւ թվային էթիկայի հիմունքներ:

ՕՐՎԱ ԽՃԱՆԿԱՐ

ԿՈՉ Է ԱՐԵԼ

ՄԱԿ-ի գլխավոր քարտուղար Անտոնիո Գուտերեշը ողջունում է Լիբանանի եւ Իսրայելի միջեւ հրադադարի հաստատումը եւ կոչ է անում բոլոր կողմերին հարգել դրա բոլոր դրույթները, սակայն է ՄԱԿ-ի գլխավոր քարտուղարի խոսնակ Ստեֆան Դյուժարիկի հայտարարության մեջ:

«Գլխավոր քարտուղարը ողջունում է Իսրայելի եւ Լիբանանի միջեւ 10-օրյա հրադադարի մասին հայտարարությունը եւ բարձր է գնահատում Միավորված ազգերի կազմակերպության դերը հրադադարի հաստատմանը նպաստելու գործում: Գլխավոր քարտուղարը հույս ունի, որ այս հրադադարը կհարթի բանակցությունների եւ ՄԱԿ-ի Անվտանգության խորհրդի 1701 բանաձեռի լիարժեք իրականացման ճանապարհը, որն ուղղված է հակամարտության երկարատեւ լուծմանը: Նա կոչ է անում բոլոր կողմերին լիովին հարգել հրադադարը եւ կատարել միջազգային իրավունքի, այդ թվում՝ միջազգային մարդասիրական իրավունքի շրջանակներում իրենց պարտավորությունները», - ասվում է հայտարարության մեջ:

Գուտերեշը ընդգծել է, որ ՄԱԿ-ը աջակցում է «ռազմական գործողությունները դադարեցնելու եւ Կապույտ գծի (Լիբանանի եւ Իսրայելի միջեւ սահման, որն անվանվել է խաղաղապահների սաղավարտների գույնի՝ ՏԱՍՍ) երկու կողմերում բնակչության տառապանքները մեղմելու բոլոր ջանքերին»:

Գլոբալ կազմակերպության ղեկավարը նաեւ հույս է հայտնել, որ այս համաձայնագիրը կնպաստի Մերձավոր Արեւելքում «երկարաժամկետ եւ համապարփակ խաղաղության» հասնելուն:

ԿԱԶՄԱԿԵՐՊՈՒՄ ԵՆ

Ապրիլի 17-ին Փարիզում Ֆրանսիան եւ Մեծ Բրիտանիան համանախագահում են շուրջ 40 երկրների հանդիպում՝ նպատակ ունենալով ցույց տալ ԱՄՆ-ին, որ նրա դաշնակիցներից մի քանիսը պատրաստ են մասնակցել Զորմուզի նեղուցում նա-



Դասընթացի ավարտին 80 տոկոս եւ ավելի արդյունք ապահոված մասնակիցները կստանան վկայական եւ 50,000 դրամի չափով վաուչեր, որը հնարավոր կլինի օգտագործել ոչ ֆորմալ կրթական ծրագրերում: Առաջին փուլում նախատեսվում է ներգրավել մինչեւ 10,000 գործազուրկ անձ: Ծրագրի ընդհանուր բյուջեն գնահատվում է շուրջ 492.8 մլն դրամ:

Նախագծի հեղինակների գնահատմամբ՝ ծրագիրը կնպաստի գործազուրկության նվազեցմանը, աշխատաշուկայի թվայնացմանը եւ քաղաքացիների զբաղվածության հնարավորությունների ընդլայնմանը: Ծրագիրը նախատեսվում է ուժի մեջ մտցնել 2027 թվականի հունվարի 1-ից:

ԱՆԻ ՎԱՐԴԱՆՅԱՆ

սահմանել», - Նշել է ՄԾՕ ղեկավարը El Pais-ին տված հարցազրույցում:

«Տարածաշրջանի երկրները ծովագնացներին տրամադրում են ամեն հնարավոր օգնություն, այդ թվում՝ անհրաժեշտության դեպքում բժշկական օգնություն»:

ԱԶԱՐՈՎԸ ԲԱՅԱՏԻՆ Է



Ուկրաինայի նախկին վարչապետ Նիկոլայ Ազարովը հայտարարել է, որ արեւմտյան երկրները կշարունակեն ֆինանսական աջակցություն տրամադրել Կիեվին՝ ամսական 5-6 միլիարդ եվրոյի չափով: Նրա խոսքերը փոխանցում է ՏԱՍՍ-ը՝ ընդգծելով, որ, ըստ Ազարովի, նման գումարները Արեւմտաեվրոպական խորհրդի մեծ դժվարություն չեն ներկայացնում:

Նախկին վարչապետի խոսքով՝ արեւմտյան երկրները տարբեր մեխանիզմներով կգտնեն անհրաժեշտ միջոցները՝ կանխելու Ուկրաինայի ֆինանսական ճգնաժամը: Նա նաեւ Նշել է, որ Եվրոպան շահագրգռված է պահպանել երկրի կայունությունը եւ չի թույլ տա նրա արագ ֆինանսական փլուզումը:

Միաժամանակ Ազարովը հավելել է, որ եվրոպական երկրներում արդեն նկատվում են տարածաշրջանային Ուկրաինայի ներկայիս իշխանությունների աջակցման հարցում: Նրա գնահատմամբ՝ ոչ բոլոր քաղաքական գործիչներն են պատրաստ անվերապահորեն աջակցել նախագահ Վլադիմիր Զելենսկուն:

ԿԱԼԱՆՔԻ ԶԱՐՑԸ

ՄԱՄՎԵԼ ԿԱՐԱՊԵՏՅԱՆԻ ԿԱԼԱՆՔԸ ԵՐԿԱՐԱԶԳՎԵՑ

Հակակոռուպցիոն դատարանում ապրիլի 17-ին դեմ է որոշվել «Ուժեղ Հայասան» կուսակցության առաջնորդ Սամվել Կարապետյանի կալանքի հարցը:

Սամվել Կարապետյանը «աբսուրդալիս» է որակել մեղադրանքը՝ նշելով՝ «բայց դատախազին բացարկ չեմ հայտնում»:

Ավելի վաղ ArmLur.am-ը հայտնել էր, որ տասը ամիս տեւած քննությունից հետո ապրիլի 15-ին մեկնարկել է Սամվել Կարապետյանի դատավարությունը՝ մի քանի հոդվածներով՝ հանցավոր ծագում ունեցող միջոցների օրինականացումից մինչև իշխանությունը զավթելուն ուղղված հրապարակային կոչեր:

Առաջին նիստին ընդառաջ՝ Կարապետյանների փաստաբանները միջնորդություն էին ներկայացրել դատարան, որպեսզի դատավորը առաջնահերթ քննի Սամվել Կարապետյանին տնային կալանքից ազատելու հարցը:

Փաստաբան Արամ Վարդեանյանը նախօրեին հայտարարել էր. «Ապրիլի 21-ին «Ուժեղ Հայաստան» կուսակցությունը հրավիրել է համագումար եւ կարեւոր է, որ մինչ այդ համագումարը Սամվել Կարապետյանը հնարավորություն ունենա ամբողջությամբ մասնակցելու քաղաքական գործընթացին: Մրցակցության, հավասարության եւ ընտրական գործընթացի ե-



րաշխիքների տեսանկյունից՝ սա ակնհայտ անհրաժեշտություն է, հույս ունենք, որ դա կապահովվի, եւ ցավ ենք ապրում, որ այդ բեռը ընկել է դատական իշխանության ուսերին»: Փաստաբանը հիշեցրել է, որ Կենտրոնական ընտրական հանձնաժողովն արդեն ընդունում է քաղաքական ուժերի հայտերը, կազմում է

ցուցակները, եւ այդ գործընթացը կշարունակվի մինչև ապրիլի 23-ը:

Արդյունքում երեկ դատավոր Վահե Դոլմազյանը որոշում կայացրեց բավարարել դատախազի միջնորդությունը եւ Սամվել Կարապետյանի կալանքը երկարաժամկետ 3 ամսով:

ՔՆՆՐ ՄԱՆՈՒԿՅԱՆ

ԼՈՒՐԵՐ

ՀԱՆՑԱՆՔՆԵՐԻՍ ՀԱՄԱՐ ԵՐԵԽԱՍ ՄԱՐԱՑԱՎ

Լեւոն Աթաբեկյանը բանտում է հայտնվել գողության համար: 11 տարեկանում առաջին անգամ գողություն է կատարել:

Մեղադրանք է առաջադրվել այն բանի համար, որ նա 2023 թվականի հոկտեմբերի 02-ին՝ ժամը 04:30-ի սահմաններում, ուրիշի գույքի գաղտնի հափշտակություն կատարելու դիտավորությամբ, քննության մեջ չկարգված առարկայի գործարդմամբ վնասելով՝ բացել է գույքի պահպանության եւ պաշտպանության համար նախատեսված՝ Երեւան քաղաքի Թումանյան 16 հասցեում գործող «Պիցցանինի» սննդի կետի մուտքի դուռը եւ ապօրինի մուտք գործելով սննդի կետի սրահ՝ վերցրել է դրամարկղում եղած 98.000 ՀՀ դրամ գումարը, ինչպես նաեւ դրամարկղի սեղանի ներքեի հատվածում դրված սեւ գույնի մետաղական չիրկիզվող պահարանը՝ դրա մեջ եղած 90.000 ՀՀ դրամ գումարով հանդերձ, եւ նույն դմից դուրս գալով՝ հեռացել է սննդի կետից՝ այդ կետի հափշտակելով «Պիցցանինի» սահմանափակ պատասխանատվությամբ ընկերությանը պատկանող մանր չափերով՝ ընդհանուր 188.000 ՀՀ դրամ կանխիկ գումարը:

«Ես դատախազներից, դատավորից չեմ վախենում, ես Աստուծոց եմ վախենում: Իմ կատարած հանցանքների համար 3 ամսական երեխաս մահացավ»:

Ք. Ս.

ՀԱՅՏՆԻ Է ՆԻՍՏԻ ՕՐԸ

Ապրիլի 27-ին Բարձրագույն դատական խորհրդում կլսվի Կոտայքի մարզի առաջին ատյանի ընդհանուր իրավասության

դատարանի դատավոր Մեխակ Գեորգյանին կարգապահական պատասխանատվության ենթարկելու հարցը:

Արդարադատության նախարարի այս տարվա հունվարի 14-ի թիվ 06-Ա որոշմամբ հարուցվել է կարգապահական վարույթ: Արդարադատության նախարարը մարտի 16-ին միջնորդություն է ներկայացրել ԲԴԽ դատավորին կարգապահական պատասխանատվության ենթարկելու վերաբերյալ: Խորհրդի նիստը նախ նշանակվել էր ապրիլի 13-ին, ապա 27-ին: Այս նույն օրը նշանակվել է Արարատի եւ Վայոց ձորի մարզերի առաջին ատյանի ընդհանուր իրավասության դատարանի դատավոր Ռուբինա Աթոյանին կարգապահական պատասխանատվության ենթարկելու հարցի վերաբերյալ որոշման եզրափակիչ մասի հրապարակումը: Միջնորդությունը ներկայացրել է արդարադատության նախարարը: Նախարարի հունվարի 7-ի 01-Ա որոշմամբ հարուցվել է կարգապահական վարույթ: Այս նախարարը դիմել է ԲԴԽ: Այս գործով հայտնի է, որ պատասխանատվության ենթարկելու հիմքում դրվել է երեխայի որդեգրման մասին դատավորի որոշումը, առանց եզրակացության, իրավական հիմնավորվածության: Որդեգրման դիմում ներկայացրած անձը հաշվառված չի եղել, իսկ երեխան ներառված չի եղել որդեգրման ենթակա երեխաների ցուցակում: Սյունիքի մարզի առաջին ատյանի ընդհանուր իրավասության դատարանի նախկին դատավոր Ռուբինա Աթոյանը ԲԴԽ-63-Ո-139 որոշմամբ ներկայացված առաջարկությամբ՝ Հայաստանի Հանրապետության նախագահի 2019 թ. սեպտեմբերի 18-ի հրամանագրով նշանակվել է ՀՀ Արարատի եւ Վայոց ձորի մարզերի առաջին ատյանի ընդհանուր իրավասության դատարանի դատավոր:

ՀՈՐԳՈՐ

Մայր Աթոռը հայտնում է. «ՀՀ Արդարադատության նախարարության Քրեակատարողական ծառայության պետի ապօրինի որոշմամբ արգելվել է Հայոց Եկեղեցու կողմից նշանակված Եկեղեցականների մուտքը ազատագրված վայրեր: ԲՀԿ պետը փաստացի դադարեցրել է Հայաստանյայց Առաքելական Սուրբ Եկեղեցու քրեակատարողական հիմնարկների հոգեւոր ծառայությունը, միեւնույն ժամանակ, շրջանցելով Մայր Աթոռը եւ անտեսելով իրավական կարգավորումները, անհատ Եկեղեցականների հետ կնքել է աշխատանքային պայմանագրեր: Այս քայլը իշխանությունների հերթական թիրախավորված ու հակաեկեղեցական արշավն է՝ սահմանափակելու օրենսդրությամբ երաշխավորված Հայոց Եկեղեցու հոգեխնամ առաքելությունը հանրային կյանքում, ինչը դրսևորվել է նաեւ ՀՀ Զինված ուժերում եւ կրթական ոլորտում: «Հայաստանի Հանրապետության եւ Հայաստանյայց Առաքելական Սուրբ Եկեղեցու հարաբերությունների մասին» օրենքի 10-րդ հոդվածով ամրագրված է ազատագրված վայրերում Հայոց Եկեղեցու հոգեխնամ գործունեություն ծավալելու առաքելությունը, իսկ «Խղճի ազատության եւ կրոնական կազմակերպությունների մասին» օրենքի 17-րդ հոդվածը Քրեակատարողական հիմնարկներում Հայ Եկեղեցու հոգեխնամ առաքելությունը համարում է որպես ազգային Եկեղեցու մենաշնորհ եւ օրենքի ուժով երաշխավորում է պետության կողմից այդ գործունեությանը չխաչքողությունը պարտականությունը: Տարիներ շարունակ քրեակատարողական հիմնարկներում իրականացվող հոգեւոր ծառայությունը եղել է Հայոց Եկեղեցու կարեւոր առաքելությունը՝ միտված ազատագրված անձանց հոգեւոր խնամքին, ապաշխարությանը նրանց վերափոխմանը եւ հասարակություն արժանապատիվ վերադարձին...»:

Շարունակությունը ArmLur.am կայքում

ԲԱՅԱՐԱՅՏՈՒՄ

ՉԵՐԲԱԿԱԼԵԼ ԵՆ

Ապրիլի 8-ին Համայնքային ոստիկանության Սուշի բաժնի ծառայողները ստացել են տեղեկություն, որ տղամարդ ու կին «Սուզուկի» մակնիշի մեքենայով շրջում եւ Գյումրիի տարբեր վայրերում տեղադրում են թմրամիջոցով փաթեթներ: Հետագա միջոցառումներով համայնքային ոստիկանները մեքենան հայտնաբերում են Գյումրիի «Մայր Հայաստան» հուշահամալիրի հետնամասում, եւ նկատում, որ տղամարդն ու կինն իջնում են մեքենայից, ուսումնասիրում տարածքը, բջջային հեռախոսով նկարում ու կրկին նստում մեքենան: Ապրիլի 8-ին ժամը 16-ին, համայնքային ոստիկանները ձերբակալում են Կոտայքի մարզի Արագյուղի բնակիչ 26-ամյա տղամարդուն եւ Արարատի մարզի Նոր Խարբերդի բնակիչ 24-ամյա կնոջն ու մեքենայով հանդերձ տեղափոխում բաժին: Ավտոմեքենան պահպանվող հատուկ տարածքում կնքվել է: Շիրակի մարզային քննչական վարչությունում նախաձեռնվել է քրեական վարույթ: Քննչական գործողության ընթացքում 26-ամյա տղամարդը հուշահամալիրի հետնամասի տարբեր հատվածներից ներկայացրել է արդեն տեղադրված չորս փաթեթ եւ հայտնել, որ դրանց մեջ մարիխուանա է, որը ձեռք են բերել տեղեկրամյան կայքէջի միջոցով՝ իրացնելու նպատակով: Դատարանի որոշմամբ «Սուզուկի» մակնիշի մեքենայում կատարված խուզարկությամբ հայտնաբերվել է կարմիր ու դեղին գույնի 21 փաթեթ: Ըստ 26-ամյա տղամարդու՝ դրանցում նույնպես մարիխուանա է, որոնք պետք է տեղադրեին Գյումրիի տարբեր տարածքներում: 26-ամյա տղամարդն ու 24-ամյա կինը կալանավորվել են:

ԿԱՄԱՎՈՐ

ՀԱՆՉՆՈՒՄՆԵՐ

Ոստիկանության տարածքային ստորաբաժանումների ծառայողների բացատրական աշխատանքի շնորհիվ բնակչության կողմից շարունակվում են ապօրինի պահվող զենք-զինամթերքի կամավոր հանձնումները: Ապօրինի պահվող զենք-զինամթերքի կամավոր հանձնման հերթական դեպք է գրանցվել Էրեբունու բաժնի համայնքային ոստիկանների բացատրական աշխատանքի արդյունքում: Ոստիկանություն գանգած քաղաքացին հայտնել էր, որ զենք-զինամթերք է թողնում Վարդաշենի փողոցից գերեզմանատուն տանող ճանապարհին: Համայնքային ոստիկանները նշված վայրում հայտնաբերել են «ԱԿՍ» տիպի ինքնաձիգ, որսորդական երկու հրացան, «Ֆ-1» տիպի երկու նռնակ՝ պայթուցիչներով, տարբեր տրամաչափի 391 փամփուշտ եւ որսորդական հրացանի մասեր: Ձենք-զինամթերքի կամավոր հանձնման դեպք է գրանցվել նաեւ Համայնքային ոստիկանության Նոր Նորքի բաժնի ծառայողների բացատրական աշխատանքի արդյունքում: Ոստիկանություն գանգահարած քաղաքացու նշած վայրում Մառի փողոցում գտնվող կիսաքանդ շինության տարածքում, համայնքային ոստիկանները հայտնաբերել են «ԱԿՍ» տիպի ինքնաձիգ, հակատանկային նռնակ, «Ֆ-1» տիպի նռնակ, նռնակի եւ տրոտիլ տեսակի պայթուցիչներ, տարբեր տրամաչափի 176 փամփուշտ: ՆԳՆ ոստիկանությունը հորդորում է ապօրինի զենք-զինամթերքը կամավոր հանձնել ոստիկանություն՝ քրեական պատասխանատվությունից խուսափելու համար:

● Ապրիլի 16-ից 17-ը բացահայտվել է 109 հանցագործություն, որոնցից 1-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

7 ՆԻՍՏ ՀԵՏԱԶԳՎԵԼ Է

Իջեանի բնակիչ, 1981թ.-ին ծնված, բարձրագույն կրթությամբ, ամուսնալուծված, խնամքին մեկ անչափահաս ունեցող Նարա Ղազումյանը մեղադրվում է նրանում, որ 2006-2009թթ. ընթացքում աշխատելով «Ապավեն համայնքների» բարեգործական հիմնադրամում որպես մարզային կազմակերպիչ օգնական, ապա կազմակերպիչ, ուրիշի գույքը խարդախությամբ հափշտակելու դիտավորությամբ Արա Սիմոնյանի, Ստեյլա Ղազարյանի և Զեմմա Ֆրանգույանի օժանդակությամբ, չարաշահելով մի շարք քաղաքացիների վստահությունը, վերջիններիս՝ Նշված գործունեությունը դադարեցված բարեգործական հիմնադրամում բարձր վարձատրվող տարբեր աշխատանքների ընդունելու, թանկարժեք ավտոմեքենաներ և բնակարաններ հատկացնելու, շինություն վարձակալելու պատրվակով, խաբեությամբ, հափշտակել է առանձնապես խոշոր չափի գումարներ: Ն. Ղազումյանին մեղադրանք է առաջադրվել 2003 թ. ապրիլի 18-ին ընդունված ՀՀ քրեական օրենսգրքի 178-րդ հոդվածի 2-րդ մասի 2-րդ կետով («խարդախությունը, որը կատարվել է խոշոր չափերով»)՝ 5 դրվագով և 178-րդ հոդվածի 3-րդ մասի 1-ին կետով («խարդախությունը, որը կատարվել է առանձնապես խոշոր չափերով»)՝ 7 դրվագով, Ա.Սիմոնյանին՝ 38-178-րդ հոդվածի 3-րդ մասի 1-ին կետով՝ 4 դրվագով, Զ. Ֆրանգույանին՝ 38-178-րդ հոդվածի 3-րդ մասի 1-ին կետով՝ 2 դրվագով և Ս. Ղազարյանին՝ 38-178-րդ հոդվածի 3-րդ մասի 1-ին կետով՝ 4 դրվագով: Ըստ մեղադրանքի՝ Ն. Ղազումյանը ներկայանալով իբրեւ «Ապավեն համայնքների» բարեգործական հիմնադրամի ղեկավար պաշտոնյա, իր ազգական Յակոբ Խոսրովյանին հայտնելով Արարատի մարզում գյուղատնտեսության ոլորտում, հիմնադրամի կողմից իբր նախաձեռնվող մեծածավալ բարեգործական ծրագրի մասին, նրան առաջարկել է ներգրավվել հիմնադրամի աշխատանքներում, խոստացել է միջնորդել հիմնադրամի ղեկավարությանը նրան որպես Արարատի մարզի համակարգող, իսկ նրա ընտանիքի անդամներին տարբեր այլ պաշտոնների նշանակելու, ինչպես նրան «Լեքսուս» մակնիշի ավտոմեքենա տրամադրելու հարցում: Ն. Ղազումյանը հիշյալ պատրվակներով 2018թ. հոկտեմբերից մինչև 2019-ի փետրվարն ընկած ժամանակահատվածում Հ.Խոսրովյանից հափշտակել է 28 980 000 ՀՀ դրամին համարժեք 60 հազար դոլար: Սույն գործով դատավարությունը Գեղարքունիքի մարզի առաջին աստիճանի դատարանում մեկնարկել է 2020թ. օգոստոսի 11-ին: 2023թ. հունիսի 6-ին դատավոր Գ. Սարգսյանը որոշել է քրեական գործի տարածքային ընդդատությունը փոխել, գործն ուղարկել Տավուշի մարզի առաջին աստիճանի դատարան: 2020թ. հունիսի 20-ին Տավուշի մարզի առաջին աստիճանի դատարանի դատավոր Ս. Մխիթարյանը որոշել է քրեական գործն ընդունել դատարանի վարույթ: Տավուշի մարզի առաջին աստիճանի դատարանում այս քրեական գործով 2026թ.-ին նշանակված դատական 7 նիստերը տարբեր պատճառներով հետաձգվել են, հաջող նիստը նշանակված մայիսի 26-ին:

ՈՍԿԱՆ ՍԱՐԳՅԱՆ

ՀԱՅՏԱՐԱՐԵԼ Է

ԲԱՐՁՐ Է ԳՆԱՐԱՏԵԼ ՊԱՆԻՍՏԱՆԻ ՄԻՋՆՈՐԴԱՆԵՆ ԴԵՐԸ

Իրանի նախագահ Մասուդ Փեզեֆիանը գովեստի խոսքեր է հնչեցրել Պակիստանի դերի վերաբերյալ՝ նշելով, որ Իսլամաբադը կարևոր միջնորդական դեր է խաղացել ԱՄՆ-ի և Իրանի միջև բանակցությունների ու հրադադարի հաստատման գործընթացում:



Թեհրանում կայացած հանդիպման ժամանակ, որտեղ ներկա էր Պակիստանի բանակի գլխավոր շտաբի պետ Ֆելդմարշալ Ասիմ Մունիրը, Փեզեֆիանը ընդգծել է Պակիստանի վարչապետ Շեհբազ Շարիֆի և ռազմական ղեկավարության ներդրումը միջնորդական գործընթացում՝ հավելելով, որ Իրանն արժեւորում է այս աջակցությունը:

Նա հայտարարել է, որ Իրանը տարածաշրջանում ձգտում է կայուն խաղաղության և անվտանգությանը՝ միաժամանակ պնդելով իր ժողովրդի իրավունքների պաշտպանությունը միջազգային իրավունքի շրջանակում:

Փեզեֆիանը նշել է, որ տարածաշրջանում անկայունության հիմնական պատճառներից մեկը, ըստ Թեհրանի, Իսրայելի գործողություններն են, որոնք նպատակ ունեն խորացնել բաժանումները իսլամական երկրների միջև: Նրա խոսքով՝ իսլամական երկրների միասնությունը կարող է կանխել հետագա լարվածությունները և պատերազմները:

Իրանի նախագահը նաեւ քննադատել է ԱՄՆ-ի և Իսրայելի գործողությունները՝ դրանք որակելով որպես ագրեսիա, և ընդգծել է, որ Իրանը չի ձգտում տարածաշրջանային անկայունության, այլ կողմ է հարելանների հետ

բարեկամական հարաբերությունների զարգացմանը:

Իր հերթին Պակիստանի բանակի ղեկավար Ասիմ Մունիրը հայտնել է, որ իրավիճակի զարգացումները ցույց են տալիս՝ տարածաշրջանը պատերազմից հետո այլևս չի վերադառնա Նախկին վիճակին՝ ընդգծելով համագործակցության և վերականգնման անհրաժեշտությունը:

Նա նաեւ նշել է, որ տարածաշրջանային համագործակցությունը, հատկա-

պես ճգնաժամերի ընթացքում, կարևոր դեր ունի երկրների միջև վստահության ձեւավորման համար՝ ընդգծելով Իրանի և Պակիստանի պատմական ու մշակութային կապերը:

Հանդիպման ընթացքում կողմերը համաձայնել են, որ տարածաշրջանում կայուն խաղաղության հաստատման համար անհրաժեշտ է շարունակել դիվանագիտական ջանքերը և համագործակցությունը:

ԱՆԻ ՎՈՐԴԱՆՅԱՆ

ՄՈՑԻՎԱԿԱՆ-ՔԱՂԱՔՎԱԿԱՆ

ԹՎԱՅԻՆ ԱՊԱԳԱ

Դեպի արդար, թափանցիկ և թվային ապագա. հարկային ու մաքսային վարչարարության արմատական բարեփոխումների նոր փուլում, ինչպես նաեւ Հարկ վճարողի օրվա նախաշեմին՝ ՊԵԿ նախագահ Էդուարդ Յակոբյանը հանդիպել է խոշոր և միջին բիզնեսի ներկայացուցիչների հետ: Այդ մասին հայտնում են ՊԵԿ-ից: Ողջունելով հանդիպման մասնակիցներին՝ ՊԵԿ նախագահը կարեւորել է տնտեսվարողների հետ գործընկերային հարաբերությունների ձեւավորման և ամրապնդման անհրաժեշտությունը. «Մեզ համար առաջնային է հարկ վճարողների հետ ձեւավորել նոր որակի հարաբերություն՝ հիմնված վստահության, բաց երկխոսության, մարդակեցության մոտեցման և կամավոր կարգապահության վրա: Այս սկզբունքներն են դրված ՊԵԿ առաքելության և տեսլականի հիմքում. մեր նպատակն է ստեղծել այնպիսի միջավայր, որտեղ օրինապահությունը դառնում է գիտակցված ընտրություն՝ արժեք ստեղծելով թե՛ իրենց, թե՛ պետության համար»: ՊԵԿ նախագահի խոսքով՝ այս ուղղությամբ առանցքային դեր ունեն թվայնացումը, վերլուծական գործիքների զարգացումը և արհեստական բանականության կիրառումը: Փոփոխությունները նպաստում են արդար մրցակցության ձեւավորմանը, բարձրացնում են վստահությունը և

միտված են հանրային բարեկեցության աճին: Կոմիտեի ղեկավարը կարեւոր ձեռքբերում է համարել նաեւ այն, որ 2017 թվականից ի վեր հարկային եկամուտներն աճել են շուրջ 2.4 անգամ. «Մեր համատեղ ստեղծված արդյունքի (ՀՆԱ-ի) մոտ 24 տոկոսը հարկերի տեսքով վերադառնում է պետական բյուջե՝ ուղղվելով հանրային կարեւոր ծրագրերի և նախաձեռնությունների իրականացմանը, որոնք այլ պայմաններում հնարավոր չէին լինի»:

Հանդիպման ընթացքում կարեւորվել է բիզնեսի հետ բաց և շարունակական հարաբերակցությունը, որը հնարավորություն է տալիս ոչ միայն բարձրաձայնել խնդիրները, այլև համատեղ գտնել դրանց լուծումները՝ նոր գաղափարների և գործնական նախաձեռնությունների միջոցով: «Կստահ եմ միասին շարունակելու ենք զարգացնել հարկ վճարելու մշակույթը, որը գնալով ամրապնդվում է՝ մարդկանց կողմից իրենց վճարած հարկերի արդյունքը տեսնելու շնորհիվ», - ասել է Էդուարդ Յակոբյանը:

Հանդիպման ընթացքում ներկայացվել են նաեւ հարկային և մաքսային վարչարարության բարեփոխումների ընթացքը և նոր նախաձեռնությունները, ինչպես նաեւ զարգացման հեռանկարները: Հանդիպումն անցկացվել է բաց և կառուցողական մթնոլորտում՝ հարցուպատասխան ձեւաչափով: Կողմերը վերահաստատել են պատրաստակամությունը շարունակելու համագործակցությունը և նման ձեւաչափով հանդիպումները:

ԳՐԱՌՈՒՄ


«Լուսավոր Հայաստան» կուսակցության նախագահ, ՀՀ հատուկ հանձնարարություններով նախկին դեսպան Էդմոն Մարուքյանի տեղեկարարական գրառումը. «Ինքնիշխան լինելը ենթադրում է ամբիցիաներ ունենալ և փորձել բավարարել դրանք: Ինչո՞ւ պետք է ԱՄՆ-Իրան բանակցությունները անցկացվեն Իսլամաբադում, այլ ոչ թե Երեւանում, երբ Հայաստանը Խաղաղության խորհրդի անդամ է, իսկ իշխանական քարոզչության համաձայն՝ «Փաշինյանը Թրամփի հետ լավ է»: Բոլորի համար ակնհայտ էր, որ մինչև Խաղաղարի կնքումը Միացյալ Նահանգները երկխոսության եզրեր էին փնտրում, բայց ՀՀ իշխանությունները անտարբեր գտնվեցին: Այնինչ ամեն օր կրկնում են, թե իբր տարածաշրջանում «խաղաղության խաչմերուկ» են կառուցում, բայց երբ այդ խաչմերուկը «այրում է», ոչ մի քայլ չեն ձեռնարկում իրավիճակը շտկելու համար: Այն ֆոնին, երբ խոսվում է մեր երկրի «եվրախնտեզման» մասին, որպես Իրանի հարեւան և բարեկամ պետություն, ինչո՞ւ Հայաստանը բանակցային հարթակ տրամադրելու առաջարկով հանդես չէկալ: Ինքնիշխանությունն այդպես է դրսևորվում երբ պետությունն ամբիցիաներ ունի և փորձում է դրանք բավարարել, ոչ թե սպասում է, թե Ալիեւը և Էրդոգանը ինչ նոր պահանջներ կներկայացնեն՝ դրանք արագացված կարգով կյանքի կոչելու համար:

● Անցած 1 օրում գրանցվել է 9 ավտովթար. 11 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՄԱՐԶԱԿԱՆ

ՄԵԾ ՈՒԺ Է ՆԵՐՇՆՉՈՒՄ



«Ամեն ինչ արել եմ, որպեսզի լավ մարզավիճակով մոտենամ Եվրոպայի առաջնությանը: Գնում եմ միայն մեկ նպատակի՝ Եվրոպայի չեմպիոն դառնալու համար: Մնացած տարբերակների մասին փորձում եմ չմտածել, որովհետև պետք է ձգտել առավելագույնին»: Այս մասին լրագրողների հետ զրույցում ասաց Եվրոպայի չեմպիոն, աշխարհի բրոնզե մեդալակիր, աշխարհի անհատական գավաթի խաղարկության հաղթող Վազգեն Թեանյանը:

Ազատ ոճի ըմբշամարտի 65 կգ քաշային կարգում Հայաստանի հավաքականի առաջատարը թիմակիցների հետ վերջին մարզումներն է անցկացնում Ալբանիա մեկնելուց առաջ, որտեղ անցկացվելու է Եվրոպայի առաջնությունը:

«Եվրոպայի առաջնությունից առաջ լավ աշխատել ենք: Սա արդեն 5-րդ հավաքն է: Վրաստանում ենք հավաք ունեցել, որի ընթացքում տարբեր երկրների ներկայացուցիչների հետ գոտեմարտել ենք, փորձով փոխանակվել:

Այս պահին լավ մարզավիճակում եմ գտնվում: Ամեն ինչ արել եմ, որպեսզի լավ մարզավիճակով մոտենամ Եվրոպայի առաջնությանը: Գնում եմ միայն մեկ նպատակի՝ Եվրոպայի չեմպիոն դառնալու համար: Մնացած տարբերակների մասին փորձում եմ չմտածել, որովհետև պետք է ձգտել առավելագույնին: Անցած տարի Եվրոպայի բրոնզե մեդալակիր դարձա: Այդ բրոնզից հետո շատ մեծ աշխատանք եմ կատարել: 2025-ի աշխարհի առաջնությանը նույնպես լավ հանդես եմ գցել: Այս պատճառով այս տարի շատ մեծ ուժով, ծանրաբեռնվածությամբ եմ լարվածությամբ եմ սկսել տարին: Թե աշխատանքս ինչ արդյունք կտա, մրցագործը ցույց կտա», - ասաց Վազգեն Թեանյանը:

Նշենք, որ 26-ամյա ըմբշը վերջերս է հայր դարձել: Նրա խոսքով, դստեր ծնունդը նոր նպատակների եւ հաղթանակների ուժ է ներշնչում:

«Կյանքում հայր դառնալն ավելացնում է պատասխանատվությունը: Այլ է, երբ զույգի կյանք է, մեկ այլ բան է, երբ երեխա է ծնվում, որն ավելի է մոտեցնում ընտանիքի մոդելին: Փորձում եմ ավելի լավ ամուսին եւ հայր լինել: Ինչ վերաբերում է սպորտին, դստերս ծնունդն ավելի մեծ ուժ է ներշնչում, որպեսզի ավելի մեծ հաջողությունների հասնեմ», - նշեց Վազգեն Թեանյանը:

ՍՈՎՈՐԻՐ, ԽԱՂԱՎ ԵՎ ՀԱՂԹԻՐ

ԿՐԹԱԿԱՆ ՆՈՐ ՀՆԱՐԱՎՈՐՈՒԹՅՈՒՆ

17-ը ապրիլի, 2026թ., Երեւան. Սովորի՛ր, խաղա՛ եւ հաղթի՛ր. Team Telecom Armenia-ն եւ Koreez համահայկական կրթական ծրագիրը նախաձեռնել են նոր համագործակցություն միավորելով ուժերը դորոցականների կրթության զարգացման նպատակով: Team Telecom Armenia-ի բաժանորդները այսուհետ կարող են հեռուստայն օգտվել Koreez կրթական հավելվածից՝ անմիջապես My Team հավելվածի միջոցով:

Koreez հավելվածը ժամանակակից կրթական հարթակ է, որտեղ աշակերտները կարող են յուրացնել ամբողջ դպրոցական ծրագիրը եւ գիտելիքներով մրցել ընկերների հետ: Հավելվածի բովանդակությունը հիմնված է Հայաստանի պետական հանրակրթական ծրագրի վրա եւ հնարավորություն է տալիս աշակերտներին սովորել խաղային ձեւաչափով, հավաքել միավորներ եւ բարձրանալ առաջատարների աղյուսակում:

«Այսօր երեխաները բավականաչափ ժամանակ են անցկացնում թվային միջավայրում, եւ Team-ը կարեւորում է այդ ժամանակի որակյալ եւ արդյունավետ օգտագործումը: Koreez-ի հետ համագործակցությամբ մենք առաջարկում ենք լուծում, որը համադրում է ժամանակն ու ուսուցումը՝ ապահովելով անվտանգ եւ օգտակար միջավայր երեխաների զարգացման համար», - նշում է Team Telecom Armenia-ի կոմերցիոն տնօրեն Տիգրան Ֆրանգյանը:

«Այսօր երեխաների ուշադրության, հետաքրքրությունների եւ ընկալումների ձեւավորման գլխավոր միջավայրերից մեկը թվային աշխարհն է: Koreez-ում մենք կատարելագործում ենք այդ մոտեցումը՝ կրթությունը վերածելով խաղի, ինչի շնորհիվ սովորելը դառնում է հետաքրքիր, մրցակցային եւ մոտիվացնող գործընթաց: Team Telecom Armenia-ի հետ այս համագործակցությունը մեզ հնարավորություն է տալիս պարզ եւ ժամանակակից, բայց միեւնույն ժամանակ որակյալ կրթությունը առավել հասանելի դարձնել հազարավոր աշակերտներին: Koreez-ը պարզապես հավելված չէ. այն կրթական շարժում է, որը փոխում է երեխաների վերաբերմունքը սովորելու նկատմամբ, ինչի շնորհիվ էլ ձեւավորվում է իրենց ապագան՝ գիտելիքը դարձնելով ամենամեծ ուժը», - նշում է Koreez կրթական ծրագրի հիմնադիր Սուրեն Ալոյանը:

ԼՈՒՐԵՐ

ՀԱՄԱՉԱՅՆԵԼ Է ՀԱՆՉՆԵԼ «ՄԻՋՈՒԿԱՅԻՆ ՓՈՇԻՆ»

Նախագահ Դոնալդ Թրամփը հայտարարել է, որ Իրանը համաձայնել է 2025 թվականի ամռանը Իրանի միջուկային օբյեկտների վրա ԱՄՆ-ի ավիահարվածներից մնացած «միջուկային փոշին» հանձնել: Նրա խոսքերը մեջբերել է The Washington Post-ը:

«Իրանը միջուկային զենք չունի, եւ նրանք համաձայնել են դրան: Իրանը համաձայնել է դրան, եւ նրանք շատ վճռակալորեն համաձայնել են: Նրանք համաձայնել են մեզ վերադարձնել միջուկային փոշին, որը խորը գետնի տակ է B-2 ռմբակոծիչներով մեր կողմից իրականացված հարձակումից», - լրագրողներին ասել է Թրամփը:



Սովորի՛ր, խաղա՛ եւ հաղթի՛ր

Team Telecom Armenia-ի մասին Տեղեկում Արմենիա ԲԲԸ-ն (սպորտաքաղաք Team Telecom Armenia) հայկական ընկերություն է, որը առաջատար դիրք է զբաղեցնում երկրի հեռահաղորդակցության եւ տեղեկատվական տեխնոլոգիաների ոլորտներում: Հանդիսանալով Հայաստանում առաջին տեղեկում ցանցի ժամանագործը՝ ընկերությունը ունի ոլորտում ծառայությունների մատուցման ավելի քան 100 տարվա պատմություն: Team-ը տրամադրում է բջջային եւ ֆիքսված ինտերնետի, թվային հեռուստատեսության, բջջային եւ ֆիքսված հեռախոսակապի ծառայություններ թե՛ անհատ, թե՛ կորպորատիվ բաժանորդներին:

Կորպորատիվ սոցիալական պատասխանատվության շրջանակում ընկերությունն աջակցում է տեխնոլոգիական, կրթական ու գիտական, ինչպես նաեւ բնապահպանական նախագծերի իրագործմանը, նպաստում հայկական բովանդակության ստեղծմանն ու տարածմանը, մարզերի զարգացմանը ու թիմային ոգին խրախուսող մարզաձեւերի ու նախաձեռնությունների իրականացմանը:

Նոր ծառայության ներդրմամբ Team Telecom Armenia-ն ընդլայնում է կրթական թվային ծառայությունների հասանելիությունը՝ առաջարկելով ժամանակակից եւ հասանելի լուծումներ, որոնք միավորում են տեխնոլոգիան, ուսուցումն ու օգտատիրոջ հարմարավետությունը:

Team Telecom Armenia-ի մասին Տեղեկում Արմենիա ԲԲԸ-ն (սպորտաքաղաք Team Telecom Armenia) հայկական ընկերություն է, որը առաջատար դիրք է զբաղեցնում երկրի հեռահաղորդակցության եւ տեղեկատվական տեխնոլոգիաների ոլորտներում: Հանդիսանալով Հայաստանում առաջին տեղեկում ցանցի ժամանագործը՝ ընկերությունը ունի ոլորտում ծառայությունների մատուցման ավելի քան 100 տարվա պատմություն: Team-ը տրամադրում է բջջային եւ ֆիքսված ինտերնետի, թվային հեռուստատեսության, բջջային եւ ֆիքսված հեռախոսակապի ծառայություններ թե՛ անհատ, թե՛ կորպորատիվ բաժանորդներին:

Կորպորատիվ սոցիալական պատասխանատվության շրջանակում ընկերությունն աջակցում է տեխնոլոգիական, կրթական ու գիտական, ինչպես նաեւ բնապահպանական նախագծերի իրագործմանը, նպաստում հայկական բովանդակության ստեղծմանն ու տարածմանը, մարզերի զարգացմանը ու թիմային ոգին խրախուսող մարզաձեւերի ու նախաձեռնությունների իրականացմանը:

Նոր ծառայության ներդրմամբ Team Telecom Armenia-ն ընդլայնում է կրթական թվային ծառայությունների հասանելիությունը՝ առաջարկելով ժամանակակից եւ հասանելի լուծումներ, որոնք միավորում են տեխնոլոգիան, ուսուցումն ու օգտատիրոջ հարմարավետությունը:

ԼՈՒՐԵՐ

Իրանական կողմը դեռեւս չի հաստատել, որ գիջումների է գնացել ԱՄՆ-ի եւ Պակիստանի բանակցողների հետ հանդիպումների ժամանակ: The Washington Post-ը նշում է, որ ԱՄՆ-ի նախորդ հայտարարությունները Իրանի միջուկային պարտավորությունների վերաբերյալ անճշտություններ կամ անհիմն են եղել:

ՄՈՏ 50 ԿԻՆ ԿՄԱՀԱՆԱ

ՄԱԿ-ի կանանց գեղեցիկ հավասարության գործակալության խոսնակ Սոֆիա Քալթրոփի խոսքով՝ 2023 թվականի հոկտեմբերից մինչեւ 2025 թվականի դեկտեմբերը Գազայի հատվածում ամեն օր մահանում էր մոտ 50 կին եւ աղջիկ: «2023 թվականի հոկտեմբերից մինչեւ 2025 թվականի դեկտեմբերը Իսրայելի օդային ռմբակոծությունների եւ ցամաքային ռազմական գործողությունների հետ-

եւանքով Գազայի հատվածում սպանվել է ավելի քան 38,000 կին եւ աղջիկ», - ասել է նա ժնեում կայացած ճեպագրույցի ժամանակ: «Սա ներառում է ավելի քան 22,000 կին եւ 16,000 աղջիկ, ինչը միջինում կազմում է ամեն օր սպանվող առնվազն 47 կին եւ աղջիկ»:

Քալթրոփի խոսքով՝ մահացածների թվում կանանց եւ աղջիկների համամասնությունը «շատ ավելի բարձր է, քան Գազայում նախորդ հակամարտություններում»: Նա նշել է, որ պաղեստինյան անկախ կանանց տառապանքները շարունակվում են:

«Չնայած 2025 թվականի հոկտեմբերին հայտարարված հրադադարին, ըստ առկա տվյալների՝ վերջին վեց ամիսների ընթացքում զոհվել է ավելի քան 730 մարդ, իսկ վիրավորվել՝ ավելի քան 2000-ը», - բացատրել է նա՝ նշելով, որ զոհերի սեռի վերաբերյալ կոնկրետ տվյալներ ներկայումս անհնար է տրամադրել տվյալների բացակայության պատճառով:

«ժողովուրդ» օրաթերթում եւ ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄՇԱԿՈՒՅՑ

HERMES

ՄԻԼԻԱՐԳՆԵՐ Է ԿՈՐՑՆՈՒՄ

Ֆրանսիական Hermes նորածնության անկում են ապրել կորցնելով գրեթե 12.75%՝ 2026 թվականի առաջին եռամսյակում վաճառքի աճի դանդաղման ֆոնին: WWD-ն հաղորդում է, որ անկումը դայանաձևով էր արժույթի սահմանումներով, զբոսաշրջության թուլացմամբ և Մեծավոր Արեւելի հիմնական շուկաներում դահանջարկի անկմամբ:

Չնայած շքեղության հատվածի ամենաուժեղ ապրանքանիշերից մեկի կարգավիճակը պահպանելուն, Hermes-ը հայտնել է սպասվածից ավելի դանդաղ աճի մասին. մարտի 31-ին ավարտված վաճառքը երեք ամիսների ընթացքում աճել է 6%-ով՝ հաստատուն փոխարժեքով, սակայն ընկերության ֆինանսական արդյունքները ցույց են տվել 1% անկում մոտ 290 միլիոն եվրոյի բացասական արժույթային ազդեցության պատճառով:

Գլխավոր տնօրեն Ալսեյ Դյուման Նշել է, որ ապրանքանիշը շարունակում է հետապնդել ստեղծագործականության, արտադրանքի որակի և հաճախորդների հավատարմության վրա հիմնված երկարաժամկետ ռազմավարություն: Նա հավելել է, որ բիզնեսի հիմունքները մնում են ուժեղ նույնիսկ աշխարհաքաղաքական անկայունության պայմաններում:

Որտեղ Hermes-ը կորցրեց աճը Ջրոսաշրջության շուկաները և աշխարհաքաղաքական անկայունություն ապրող տարածաշրջանները ամենամեծ ճնշումն են գործադրել դրա կատարողականի վրա:

Ֆրանսիայում վաճառքը նվազել է 3%-ով՝ զբոսաշրջային հոսքի անկման ֆոնին: Մերձավոր Արեւելքում վաճառքը նվազել է 6%-ով՝ ԱՄԷ-ում, Քուվեյթում, Կատարում և Բահրեյնում վաճառքի վրա ազդած հակամարտության պատճառով:

Ամառը ամերիկյան օդանավակայանների մանրածախ վաճառքը նվազել է:

Անկումը հատկապես նկատելի էր ճանապարհորդական մանրածախ ամերիկյան հատվածում, որտեղ հաճախորդների ակտիվությունը օդանավակայաններում և կեստերում նվազել է:



Որտեղ է ապրանքանիշը դեռևս աճում Չնայած որոշ տարածաշրջաններում անկմանը, ընկերությունը ցույց է տվել ուժեղ աճ մի շարք հիմնական շուկաներում. ԱՄՆ, Կանադա և Հարավային Ամերիկա՝ +17.2%

Ճապոնիա՝ +9.6% Եվրոպա (բացառությամբ Ֆրանսիայի)՝ +9.7%

Ասիա (բացառությամբ Ճապոնիայի)՝ +2.2%

Չինաստանում ընկերությունը գրանցել է «միջին աճ», մինչդեռ Հարավային Կորեան ցույց է տվել կայուն աճ:

Ինչն է փրկում ապրանքանիշը

Կաշվե իրերը մնում են աճի հիմնական շարժիչ ուժը՝ աճելով 9%-ով՝ շնորհիվ նոր պայուսակների մոդելների պահանջարկի, այդ թվում՝ Faubourg Express-ի և Collier d'Atelage-ի, ինչպես նաև Herbag շարքի ժողովրդականության:

Հագուստի և աքսեսուարների հատվածները մնացել են անփոփոխ՝ սպասելով նոր հավաքածուների և տղամարդկանց հագուստի գծի համար 2027 թվականին թարմացված ստեղծագործական ուղղության:

Օձանելիքի և կոսմետիկայի ոլորտները լճացան, մինչդեռ զարդերի և տնային

ապրանքների ոլորտը աճեց 6.8%-ով՝ շնորհիվ միջազգային ցուցահանդեսների և նոր հավաքածուների:

Ինչու՞ բաժնետոմսերը կտրուկ անկում ապրեցին

Չնայած թվերը վերլուծաբանների սպասումներից մի փոքր ցածր էին, շուկան կտրուկ արձագանքեց բաժնետոմսերը առևտրի առաջին ժամկա ընթացքում ընկան ավելի քան 12%-ով:

Վերլուծաբանները նշում են, որ նույնիսկ ուժեղ բիզնես մոդելի դեպքում Hermes-ը մնում է խոցելի շքեղության պահանջարկի համաշխարհային դանդաղման նկատմամբ, հատկապես աշխարհաքաղաքական անկայունության և զբոսաշրջության անկման պայմաններում:

Hermes-ը մնում է շքեղության հատվածի ամենաուժեղ խաղաղոկներից մեկը, բայց նույնիսկ «հանգիստ շքեղությունը» չի կարող անխոցելի լինել համաշխարհային տնտեսական և քաղաքական ցնցումներից: Աճը դանդաղում է, և ներդրողները ավելի ու ավելի են արձագանքում պահանջարկի թուլացման ցանկացած նշանի՝ նույնիսկ ամենաթանկ ապրանքանիշերի դեպքում:

ԼՈՒՐԵՐ

ԱՎԵԼԱՑՐԵԼ Է ՆՈՐ ՄՈՒԴԵԼ

Քիմ Զարդաշյանի և Զանյե Ուեսթի դուստրը TikTok-ում ցուցադրել է գրիլդի նոր գույգ՝ իր ատամների զարդերի արդեն տպավորիչ հավաքածուին ավելացնելով 14 կարատանոց ոսկեգույն մոդել: Նոր աքսեսուարը պատրաստված է սպիտակ ոսկուց և ստեղծվել է Gabby Elan Jewelry-ի կողմից: Ըստ լրատվամիջոցների հաղորդագրությունների, հավաքածուն ծածկում է ատամների վերին և ստորին շարքերը՝ ընդհանուր առմամբ 20 հատ: Տեսակրթում Նորթը շրթունքները սինխրոնացնում է երաժշտության հետ, լայն ժպտում և ցուցադրում փայլուն գրիլդը: Նա նախկինում սոցիալական ցանցերում հայտնվել էր այլ տարբերակներով, այդ թվում՝ նույն հավաքածուի վառ կապույտ և կարմիր գրիլդներով: Ոսկեգույնը նաև Instagram-ում ցուցադրել է անհատական տարբերակներ՝ դասական ոսկեգույնից բացի, ներկայացված էին նաև մետաղական կարմիր և փիրուզագույն գույները: Նորթի կերպարը լրացվել էր հաստ աքսեսուարներով՝ մի քանի սրածայր ապարանջաններով և հայագի ոսկեգույն Ալեքս Մուսի մեծ գանգի շղթայով, որը զարդարված էր ավելի քան 106 կարատ արդամանդներով՝ մոր նվերը: Եւ սա դեռ ամենը չէ: Նա նախկինում ցուցադրել էր Johnny Dang & Co.-ի սուր ատամներով, արդամանդներով զարդարված շնաձկան պատկերով գրիլդերը, ինչպես նաև գոթական սեւ տարբերակը, որը բուռն քննարկումներ էր առաջացրել համացանցում:

«ԳԱՐԵՐԻ ԽԱՂԸ» ԳԱԼԻՍ Է ՄԵԾ ԷԿՐԱՆ

«Գահերի խաղը» ֆրանսիզիզը պաշտոնապես կատանա կինոտաղապատացիա: Լաս Վեգասում կայացած CinemaCon-ի շնորհանդեսի ժամանակ Warner Bros-ը հաստատել է «Game of Thrones: Aegon's Conquest» աշխատանքային վերնագրով լիամետրաժ ֆիլմի մշակումը, հաղորդում է Hypebeast-ը: Նախագիծը ներկայացվել է որպես ստուդիայի 2027 թվականի և հետագա ֆիլմերի ծրագրի մաս, որը փաստացի նշանավորում է Վեստերոսի տիեզերքի զարգացման նոր փուլ: Ֆիլմի սյուժեն հիմնված է Ջորջ Ռ.Ռ. Մարտինի ստեղծագործությունների, մասնավորապես «Կրակ և ալյուր» պատմական վեպի վրա: Պատմությունը կենտրոնանում է լեգենդար նվաճող Էգոն I Թարգարիենի վրա, որը իր ջոկերի և կանանց՝ Վիսենյայի և Ռեյնիսի հետ միասին միավորում է Վեստերոսի յոթ թագավորությունները: Մի շարք նվաճողական պատերազմներից հետո, հենց Էգոնն է ստեղծում Երկաթե Գահը՝ հալեցնելով իր պարտված թշնամիների սրերը, այդպիսով հիմք դնելով միասնական թագավորության: Սցենարը կգրի Բո Ուիլիամսը, որը հայտնի է «Քարտերի տուն» սերիալի և «Աստղային պատերազմներ» տիեզերքի «Անդորր» նախագծի վրա իր աշխատանքներով: Նրա մասնակցությունը հուշում է, որ ֆիլմը կենտրոնացած է ոչ միայն խոշորամասշտաբ մարտերի, այլև քաղաքական ինտրիգների և իշխանության համար պայքարի վրա: Չնայած դերասանական կազմը դեռևս չի հայտարարվել, նախագիծն արդեն գովազդվում է որպես ֆրանսիզիզային պատմության ամենամաքիցիոզներից մեկը:

ՄԱՐՏԱԿԱՆ Է ՏՐԱՄԱԳՐՎԱԾ

Հայաստանի ազառ ոճի ըմբռամարտի հավաքականն ապրիլի 20-26-ը Ֆրանսիայում կայանալիք Եվրոպայի առաջնության նախադասառական վերջին փուլն անցկացնում է Երեւանում:

ԵԱ-ում հանդես են գալու Մանվել Խնձրցյանը (57 կգ), Արսեն Հարությունյանը (61 կգ), Վազգեն Թեւանյանը (65 կգ), Դավիթ Մարգարյանը (70 կգ), Նարեկ Հարությունյանը (74 կգ), Հրայր Ալիխանյանը (79 կգ), Մուշեղ Սկրտչյանը (92 կգ) և Խաչատուր Խաչատրյանը (125 կգ):

Լրագրողների հետ զրույցում Հայաստանի հավաքականի գլխավոր մարզիչ Հաբեթակ Կուրդիսյանը Նշել է, որ մարզիկները լավ են պատրաստ ու ԵԱ-ից առաջ մարտական վիճակում են: Միայն Արման Անդրեասյանը չի կարողանա վնասվածքի պատճառով մասնակցել առաջնությանը:

«Տղաներից լավ գոտեմարտեր են սպասում, ինձ թվում է, որ կկարողանան իրենց հնարավորությունները լիարժեք կերպով ցույց տալ: Լավ պատրաստվածություն ենք անցել ու մի քանի երկրների ընտրա-



կիների հետ միջազգային հավաք ունեցել Կրաստանում: Թիմը լավ մարզավիճակում է, մի շարք միջազգային մրցաշարերի ենք մասնակցել, հաղթող ու մրցանակակիրներ դարձել», - շեշտել է նա:

Կուրդիսյանն առաջին հերթին մեղալներ է անկալում թիմի առաջատարներ Հարությունյանից ու Թեւանյանից, որոնք արդեն Եվրոպայի չեմպիոններ են դարձել:

Հարությունյանը կփորձի 5-րդ անգամ ոսկե մեդալ նվաճել: «Մյուս տղաները հիմնականում երիտասարդ են, բայց նրանք են կփորձեն մեդալներով վերադառնալ: Այլ լավ տղաներ էլ ունենք, որոնք Մ-23 տարեկանների մրցաշարերում են մեդալներ նվաճել, բայց նրանց ժամանակ է պետք, որ հաստատվեն մեծահասակների թիմում», - ավելացրել է մարզիչը:

● Միեր Սկրտչյանի անվան արտիստական թատրոնում ապրիլի 19-ին՝ ժամը 12:00-ին, կկայանա «Մոխրոտիկը» ներկայացումը:



ԿԱՐԳ

ՀԱՐՑ. Մշակութային արժեքների փորձագիտական գնահատման ի՞նչ կարգ է գործում Հայաստանի Հանրապետությունում:

Արշակ Գալստյան, 25 տարեկան



ՊԱՏԱՍԽԱՆ. Մշակութային արժեքների եւ մշակութային նշանակության առարկաների արվեստաբանական ու մշակութաբանական փորձաքննությունն իրականացնում է «Մշակութային արժեքների փորձագիտական կենտրոն» ՊՈԱԿ-ը: Փորձաքննության շահառուներ են հանդիսանում ՀՀ եւ օտարերկրյա քաղաքացիները եւ իրավաբանական անձինք, այդ թվում ՀՀ պետական մարմինները: Փորձաքննությունն իրականացվում է ներկայացված դիմումի կամ հանձնարարության հիման վրա: Ֆիզիկական անձանց դեպքում, գործընթացի սկիզբ է համարվում վերջիններիս կողմից կենտրոնի հայտագրման բաժին դիմում ներկայացնելը, իսկ իրավաբանական անձանց դեպքում գրության հրամանի, հանձնարարության, որոշման եւ փորձաքննության ենթակա իրի կամ իրերի եւ դրանց լուսանկարների տրամադրումը: Փորձաքննության առավելագույն ժամկետ է համարվում 15 օրը՝ բացառությամբ կողմերի համաձայնությամբ որոշակի ժամկետով երկարաձգելու դեպքերի: Կենտրոնը փորձաքննությունն իրականացնում է 28 ոլորտներում: Փորձաքննության արդյունքում հայտատուին տրամադրվում է համապատասխան փորձագիտական եզրակացություն:

ԿԳՍՍ

«ԺՈՂՎՈՐԴ». Փորձաքննության դիմաց հայտատուն կատարում է վճարներ՝ «Մշակութային արժեքների արվեստաբանական եւ մշակութաբանական փորձաքննության, ինչպես նաեւ իրականացվող այլ ծառայությունների վճարների գանձման մասին» կարգին համապատասխան:

Էջը՝ ՄԱՐԻԱՆԱ ՀՈՎՀԱՆՆԻՍՅԱՆԻ

ՀԱՍԱՐԱԿՈՒԹՅՈՒՆ

ՀԱՐՑ. Ինչպե՞ս եւ ո՞ր լեզվով է իրականացվում ազգային փոքրամասնությանը ռասկանող սովորողի ընդունումն ու ուսուցումը հաստատությունում:

Մարինե Սիմոնյան, 55 տարեկան



ՊԱՏԱՍԽԱՆ. ՀՀ ԿԳ նախարարի N 1640-Ն /24.11.2010թ./ հրամանով հաստատված «Դպրոցական տարիքի երեխաներին հանրակրթության մեջ ընդգրկելու, սահմանված ժամկետից ուշ հանրակրթության մեջ ընդգրկվող երեխաների կրթության կազմակերպման եւ հանրակրթական ուսումնական հաստատությունից սովորողին այլ ուսումնական հաստատություն տեղափոխելու ազատելու կարգի» 5-րդ կետի համաձայն՝ «Ազգային փոքրամասնությանը պատկանող սովորողի ընդունումը հաստատություն կարող է կատարվել սովորողի ազգային (մայրենի) լեզվով ուսուցմամբ կամ այդ լեզվի դասընթաց ունեցող հաստատությունում (դասարանում), իսկ դրա բացակայության դեպքում ուսուցման լեզվի ընտրությունը կատարում է սովորողի ծնողը (կրթական ներկայացուցիչը): Եթե ազգային փոքրամասնությանը պատկանող սովորողի ազգային (մայրենի) լեզվով ուսուցմամբ կամ այդ լեզվի դասընթաց ունեցող հաստատությունում լիցենզիայով տրված սահմանային տեղերը լրացած են, եւ տվյալ բնակավայրում բացակայում է այլ հաստատությունում ազգային (մայրենի) լեզվով ուսուցման հնարավորությունը, ապա սովորողի ընդունելությունը տվյալ հաստատություն իրականացվում է՝ անկախ լիցենզիայով տրված սահմանային տեղերի սահմանափակումից»:

ԿԳՍՍ

ԼՈՒՐ ԿԱԴՐ

Լուսանկարը՝ shamshyan.com-ի



Երեւանում Tesla-ն էրեքունի-Աթոյան փողոցների խաչմերուկում կոտրել է երթուղիները կարգավորող լուսակիրը եւ հայտնվել երկաթե սյան մոտ:

ԲԱԺԱՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել



«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-53-01

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադառնանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետեւյալ բլանկը:
Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

ԵՂԱՆԱԿԻ ՏԵՍՈՒԹՅՈՒՆ



Շիրակ	0 - 5 + 9 + 13
Կոտայքի լեռներ	0 - 4 +10 + 13
Կոտայքի նախալեռներ	+ 3 + 5 +11 + 14
Գեղարքունիք	0 - 3 + 9 + 13
Լոռի	- 2 + 3 + 11 + 15
Տավուշ	0 + 3 + 12 + 15
Արագածոտնի լեռներ	- 1 - 5 + 8 + 11
Արագածոտնի նախալեռներ	+ 1 + 5 + 11 + 16

Արարատ	+ 2 + 5 + 15 + 18
Արմավիր	+ 3 + 6 + 17 + 19
Վայոց ձորի լեռներ	- 3 - 6 + 7 + 11
Վայոց ձորի նախալեռներ	+ 4 + 7 + 16 + 20
Սյունիքի լեռներ	- 3 - 6 + 8 + 12
Սյունիքի նախալեռներ	+ 1 + 5 + 14 + 17
Սյունիքի հովիտներ	+ 5 + 9 + 20 + 24
Երեւան	+ 5 + 7 + 16 + 18

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 17.04.2026
Տպաքանակ՝ 3968

Գլխավոր խմբագիր՝ ԶԵՆՈՒ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
Խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեւյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: